

Bosna i Hercegovina  
Federacija Bosne i Hercegovine  
Unsko-sanski kanton  
**OPĆINA BUŽIM**  
**OPĆINSKI NAČELNIK**

Broj: 02-04-1526-8/25  
Bužim, dana 05.02.2026.godine

Na osnovu člana 70. stav (1) i (4), a u skladu s članom 69. stav (3) Zakona o javnim nabavkama („Službeni glasnik BiH“, broj: 39/14, 59/22 i 50/24), u otvorenom postupku nabavke radova – Izgradnja šehidskog obilježja Lubarda, Općinski načelnik općine Bužim, kao rukovodilac organa uprave donosi:

## **ODLUKU**

### **o otkazivanju/poništenju postupka javne nabavke**

#### **I**

Otkazuje se/poništava otvoreni postupak javne nabavke radova - Izgradnja šehidskog obilježja Lubarda, u skladu s članom 69. stav (3) Zakona o javnim nabavkama, čime se u skladu s članom 69. stav (1) alineja b) Zakona o javnim nabavkama okončava predmetni postupak javne nabavke.

#### **II**

Ova Odluka objavit će se na web stranici ugovornog organa istovremeno s upućivanjem iste ponuđačima koji su učestvovali u predmetnom postupku javne nabavke u skladu s članom 70. stav (6) Zakona o javnim nabavkama.

### **O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke broj: 02-04-1526/25 od 18.12.2025.godine. Javna nabavka je provedena putem otvorenog postupka Izgradnja šehidskog obilježja Lubarda. Obavještenje o nabavci broj: 1119-1-3-115-3-76/25 od 18.12.2025.godine - objavljeno na portalu JN i u „Službenom glasniku BiH“, broj: 78/25 od 26.12.2025.godine.

Obzirom da je u predmetnom postupku javne nabavke zaprimljena samo 1 (jedna) ponuda u određenom krajnjem roku, a koja je ocijenjena prihvatljivom, Ugovorni organ je dana 09.01.2026.godine donio Odluku o izboru najpovoljnijeg ponuđača broj: 02-04-1526-5/25. Obavještenjem o rezultatima postupka javne nabavke, broj: 02-04-1526-6/25 od 12.01.2026.godine izabrani ponuđač je obaviješten o rezultatima postupka, dostavljena mu je Odluka o izboru najpovoljnijeg ponuđača, Zapisnik o pregledu i ocjeni ponuda s priložima, te je obaviješten da će mu biti dodijeljen Ugovor za predmetnu javnu nabavku, te da je dužan u roku ne dužem od 5 (pet) dana od dana zaprimanja Odluke dostaviti originale ili ovjerene kopije dokaza o ispunjavanju uslova u skladu sa datom izjavom iz člana 45. stav (1) tačka a), b), c) i d) Zakona o javnim nabavkama, kao i ovlaštenje za obavljanje djelatnosti koja je predmet nabavke iz tačke 3.7 Tenderske dokumentacije, ukoliko iste nije dostavio u sastavu ponude.

Uvidom u spis predmeta utvrđeno je da su izabranom ponuđaču predmetno Obavještenje o rezultatima postupka javne nabavke, Odluka o izboru najpovoljnijeg ponuđača i Zapisnik o pregledu i ocjeni ponuda s priložima dostavljeni putem pošte (ponuđač potpisao dostavnicu 22.01.2026.godine i ista je sastavni dio spisa predmeta), a sve u skladu s tačkom 1.2. predmetne tenderske dokumentacije koja reguliše način komunikacije između Ugovornog organa i ponuđača.

Ugovorni organ u ostavljenom roku nije zaprimio originale ili ovjerene kopije dokaza o ispunjavanju uslova u skladu sa datom izjavom iz člana 45. stav (1) tačka a), b), c) i d) Zakona o javnim nabavkama, kao i ovlaštenje za obavljanje djelatnosti koja je predmet nabavke iz tačke 3.7 Tenderske dokumentacije.

Nakon pregleda i ocjene pristigle dokumentacije, Komisija za JN je zapisnički konstatirala:

- da je izabrani ponuđač dostavio dokumentaciju mimo roka koji je ugovorni organ ostavio za dostavljanje iste (dokumentacija predata u poštu 03.02.2026.godine, a pristigla na protokol ugovornog organa 04.02.2026.godine),
- dokumentacija koja je dostavljena glasi na datum 22.01.2026.godine i u istoj nije navedeno da je izabrani ponuđač ispunjavao uvjete (bio kvalificiran) na dan dostavljanja ponude tj. 08.01.2026.godine,
- izabrani ponuđač nije dostavio Ovlaštenje ovlaštenje za obavljanje djelatnosti koja je predmet nabavke iz tačke 3.7 Tenderske dokumentacije.

U konkretnom slučaju dokazivo je da Ugovorni organ za postupak javne nabavke nema više prihvatljivih ponuda i da izabrani ponuđač nije dostavio dokaze o kvalifikaciji u ostavljenom roku, koji su bili uslov za dodjelu Ugovora, shodno čemu su u konkretnom slučaju ispunjeni uslovi za otkazivanje postupka nabavke koji su van kontrole Ugovornog organa i koji se nisu mogli predvidjeti u vrijeme pokretanja postupka javne nabavke.

Članom 69. stav (3) Zakona o javnim nabavkama propisano je da je Ugovorni organ može otkazati postupak javne nabavke samo zbog dokazivih razloga koji su van kontrole ugovornog organa i koji se nisu mogli predvidjeti u vrijeme pokretanja postupka javne nabavke.

Shodno naprijed navedenom Ugovori organ je u skladu sa članom 69. stav (3) Zakona o javnim nabavkama poništio/otkazao predmetni postupak javne nabavke i u skladu s članom 70. stav (1) i (4) Zakona o javnim nabavkama donio Odluku kao u dispozitivu.

#### **Pouka o pravnom lijeku**

Protiv ove odluke može se izjaviti žalba najkasnije u roku od 10 (deset) dana od dana prijema ove odluke. Žalba se izjavljuje URŽ-u putem ugovornog organa u pisanoj formi direktno, elektronskim putem, ako je elektronsko sredstvo definirano kao način komunikacije u tenderskoj dokumentaciji, ili preporučenom poštanskom pošiljkom u dovoljnom broju primjeraka, a koji ne može biti manje od tri.

Obrada:

Nedžad Kudelić

Dostaviti:

1. „MARBO-STONE” d.o.o. Kiseljak,
2. Web stranica općine Bužim,
3. U spis.

